



SULEQATIGIISITSISUT
SAMARBEJDSPARTIET

UKA2019/36

Tillie Martinussen

10. oktober 2019

Arferit angisuut nunatsinnut pisassiissutaasartut tamakkerneqarneq ajornerat pillugu aammalu tamakkerlugit pisarineqannginnerannut aporfiusartut qanoq iliuseqarnikkut piarneqarsinnaanersut pillugu Naalakkersuisut nalunaarusioqqullugit peqquneqarnissaannik Inatsisartut aalajangiiffigisassaattut siunnersuut. Nalunaarusiaq kingusinnerpaamik UKA2020imi saqqummiunneqartussanngorlugu.
(Inatsisartuni ilaasortaq, Nikkulaat Jeremiassen, Siumut)

Arfanniarneq pillugu taamatut pitsaatigisumik qaqtigut takusarpugut. Siunnersuuteqartoq tamanna pillugu nersualaassavarput. Tunngavilersorluagaavoq, eqqarsaatigilluagaalluni paasissutissanik pissarsiarineqarsinnaasunik tunngaveqluni tassungalu peqatigitillugu nungusaataangitsumik atuinissaq pillugu innuttaasut isumaat isiginiarneqarlutik..
Tamanna nuannaarutigeqaarput.

Arfeq tamakkerlugu atorneqarnissaanut suut aporfionersut aammalu pisarinissaannullu aporfissaqarnersoq paasissutissat tatiginartut amigaatigeqaagut.

Arferit neqaat tuniniarsinnaajumallugit qerititsiviit amigaatigineqarpat?

Paasitinneqarnerput malillugu avannaani piffissat ilaanni arferit neqaat uninngatiinnarneqararput, tassani mattak tiguneqartarluni sinneralu qimaannarneqartarluni. Arferit neqaat nikkutut, igaassatut, siatassutut il.il. niuerfinni naleqartorujussuusinnaasut.

Ilaqutareepassuit nerisassaqartinneqarsinnaagaluarput.


Aamma tusartarparput arferit neqaat ilarujussui qimmit nerisassaattut atorneqartartut, qimmillu nerisassat allatut iliorluni akikinnerujussuarmik pissarsiarineqarsinnaagaluarput. Arferit neqaat tuniniaqqinneqarsinnaagaluarunik naleqarnerungaassagalurput. Tassa qimmit nerisassaattut uani akisoorujussuuvoq – taamatut oqartoqarsinnaappat, uninngatitsivissaqannginneq tunisassiareqqiinnginnerlu pissutigalugit tunineqarsinnaanngippata soorunami allatut atornissaat pitsaasuugaluartoq.

Aamma tusarparput avannaani tunisasioffinni tunisassiorsinnaassuseq assersuutigalugu qaleralinnik maannakkut tunisassionermut maannakkut anertuujusumut atorneqartartut, tamannalu pissutigalugu arferit pisarineqartut tunisassiarineqarsinnaanngitsut tuniniarneqarsinnaanngitsullu.

Tamassuma kinguneraa nungusaataangitsumik atuisinnaanermut sanilliullugu amerlanerusunik pisassiinissamik aalajangiisariaqarnermik misigisoqartarnera, tamannalu aaqiivigineqarsinnaavoq tunisassiassanik tunisassiareqqiinissaq pilersaarusionerqarsimappat, taamaalilluni qaleralinnik arfernillu pisariaqartunik tunisassiornissamut inissaqassalluni. Taamaalironikkut arfanniartartut aamma pitsaasumik isertaqarnissaannut tunngavissaqassaaq.

Ajornartorsiut misissorluarsinnaavarput. Tamanna aamma nassuiaatissami uani ilanngunneqassagunarpoq, taamaanngippat tuniniaanissamut periarfissat akornutaasullu Naalakkersuisut uuminnga misissuilerunik aporfiiit ilaattut ilanngutissagaat Naalakkersuisut qinnuivigissavagut.

Aamma nunap immikkoortuinut sumiiffinnulluunniit pisassiissutit qanoq annertutigisut allanit pisarineqartarneru misissussavarput. Aamma angallatit nutaaliat atorlugit akerlianik naalittarlugit



**SULEQATIGIISSITSUT
SAMARBEJDSPARTIET**

piniartarneq naleqquttuunersoq misissussavarput. Arfernik pisassiissutit pisarineqartarneranni pitsaanagerusumik naapertuilluartumillu agguanneqartarnerinik nakkutilliissaagut. Aamma isumaqarpugut arferit Nuup Kangerluani eqqissisimatineqartariaqartut.

Taamatut oqaaseqarluta siunnersuuteqartoq siunnersuutaa isumatusaalluartutut isigisarput pillugu nersualaassavaput, siunnersuutillu akuerineqarnissaa inassuteqaatigaarput. Qujanaq.